

ქალაქ ბათუმის მუნიციპალიტეტის მერი

ბ რ ძ ა ნ ე ბ ა № 1 8 3 2

ქ. ბათუმი, 07 მაისი 2018 წ

ქ. ბათუმის მუნიციპალიტეტის ტერიტორიაზე არსებულ საზოგადოებრივ სივრცეებში გადათხრითი სამუშაოების წარმოების ზოგიერთი საკითხის მოწესრიგების შესახებ

ქ. ბათუმის მუნიციპალიტეტის საკრებულოს 2017 წლის 24 მარტის №6 დადგენილებით დამკვიცებული „საზოგადოებრივი ტერიტორიის/სივრცის დროებითი სარგებლობის წესი“-ს მე-2 მუხლის მე-7 პუნქტის შესაბამისად,

ვ ბ რ ძ ა ნ ე ბ ა :

1. ქ. ბათუმის მუნიციპალიტეტის ტერიტორიაზე არსებულ საზოგადოებრივ სივრცეებში გადათხრითი სამუშაოების წარმოება (კავშირგაბმულობის ხაზების (ქსელების), ხაზობრივი ნაგებობების მშენებლობა/მონტაჟი) შესაძლებელია „მშენებლობის ნებართვის გაცემის წესისა და სანებართვო პირობების შესახებ“ საქართველოს მთავრობის 2009 წლის 24 მარტის №57 დადგენილებით გათვალისწინებული ქ. ბათუმის მუნიციპალიტეტის აღმასრულებელი ორგანოს მიერ გაცემული ინდივიდუალურ ადმინისტრაციულ-სამართლებრივი აქტის (შემდგომში - თანხმობა) საფუძველზე, რომელიც ასევე უნდა შეიცავდეს თანხმობას სამუშაოების წარმოების დაწყებაზე, სამუშაოების დაწყებისა და დასრულების თარიღებს, სამუშაოების წარმოების პირობებს და სხვა საჭირო მონაცემებს.

2. „მშენებლობის ნებართვის გაცემის წესისა და სანებართვო პირობების შესახებ“ საქართველოს მთავრობის 2009 წლის 24 მარტის №57 დადგენილების 66-ე მუხლის მე-4 პუნქტის „ა“ ქვეპუნქტისა და 6<sup>1</sup> პუნქტის „გ“ ქვეპუნქტის პირობის შესრულების უზრუნველყოფის მიზნით (გარდა ადგილობრივი თვითმმართველობის ორგანოს თანხმობისა) დამტკიცდეს - „შემოვლის ფურცელი ქ. ბათუმის მუნიციპალიტეტის საზოგადოებრივი ადგილის სარგებლობის შეზღუდვისათვის“.

3. თანხმობის მისაღებად ქ. ბათუმის მუნიციპალიტეტის მერიაში საპროექტო დოკუმენტაცია წარმოდგენილი უნდა იქნას დამატებით ციფრული ვერსიის სახით (PDF ფორმატში და SHP ფორმატში). განცხადებას ასევე უნდა დაერთოს სათანადოდ შედგენილი „შემოვლის ფურცელი ქ. ბათუმის მუნიციპალიტეტის საზოგადოებრივი ადგილის სარგებლობის შეზღუდვისათვის“.

4. თანხმობის მისაღებად შესაბამისი განცხადების ქ. ბათუმის მუნიციპალიტეტის მერიაში რეგისტრაციის შემდგომ განცხადება თანდართულ დოკუმენტებთან ერთად დოკუმენტბრუნვის ელექტრონული პროგრამის მეშვეობით ეგზავნება ქ. ბათუმის მუნიციპალიტეტის მერიის მუნიციპალური ქონების და სერვისების მართვის სამსახურს და ა(ა)იპ „საქალაქო ინფრასტრუქტურისა და კეთილმოწყობის სამმართველო“-ს (საპროექტო დოკუმენტაცია PDF ფორმატში), ხოლო ქ. ბათუმის მუნიციპალიტეტის მერიის ქალაქგანვითარებისა და ურბანუ-

ლი პოლიტიკის სამსახურს ეგზავნება როგორც დოკუმენტბრუნვის ელექტრონული პროგრამის მეშვეობით (საპროექტო დოკუმენტაცია SHP ფორმატში, წერტილოვანი, ხაზოვანი და პოლიგონური ფენების სახით, რომელიც შესრულებული უნდა იყოს სახელმწიფო გეოდეზიურ კოორდინატთა სისტემაში, კერძოდ WGS 84 კოორდინატთა სისტემასა და UTM პროექციაში, 37 ზონა), ისე დედნის სახით.

5. ქ. ბათუმის მუნიციპალიტეტის მერიის მუნიციპალური ქონების და სერვისების მართვის სამსახური და ა(ა)იპ „საქალაქო ინფრასტრუქტურისა და კეთილმოწყობის სამმართველო“ ადმინისტრაციული წარმოების ფარგლებში თანხმობის ვიზირების გზით ითანხმებენ სამუშაოების წარმოების მიზანშეწონილობის საკითხს, კერძოდ, ქ. ბათუმის მუნიციპალიტეტის მერიის მუნიციპალური ქონების და სერვისების მართვის სამსახური სამუშაოების წარმოების მიზანშეწონილობას როგორც ქ. ბათუმის მუნიციპალიტეტის საზოგადოებრივი სივრცის მესაკუთრე, ხოლო ა(ა)იპ „საქალაქო ინფრასტრუქტურისა და კეთილმოწყობის სამმართველო“ ქ. ბათუმის მუნიციპალიტეტის საზოგადოებრივ სივრცეებში განთავსებული კომუნიკაციებიდან გამომდინარე სამუშაოების წარმოების მიზანშეწონილობის საკითხს. თანხმობის დოკუმენტი ვიზირების გზით თანხმდება ასევე ქ. ბათუმის მუნიციპალიტეტის ვიცე-მერთან.

6. თანხმობა გაიცემა მხოლოდ „შემოვლის ფურცელში“ მითითებული ორგანიზაციების (დაწესებულებების) მიერ დადებითი გადაწყვეტილების (სამუშაოთა განხორციელების შესაძლებლობის დადასტურების) მიღების შემდგომ.

7. ქ. ბათუმის მუნიციპალიტეტის ტერიტორიაზე არსებულ საზოგადოებრივ სივრცეებში წინამდებარე ბრძანებით განსაზღვრული პროცედურების დაუცველად განხორციელებული გადათხრითი სამუშაოები ჩაითვლება, როგორც შესაბამისი თანხმობის გარეშე განხორციელებული გადათხრითი სამუშაოები და გატარდება კანონმდებლობით გათვალისწინებული ღონისძიებები.

8. დაევალოს ქ. ბათუმის მუნიციპალიტეტის მერიის ქალაქგანვითარებისა და ურბანული პოლიტიკის სამსახურს გაცემული თანხმობის ასლები მიაწოდოს ქ. ბათუმის მუნიციპალიტეტის მერიის მუნიციპალური ქონების და სერვისების მართვის სამსახურს, ა(ა)იპ „საქალაქო ინფრასტრუქტურისა და კეთილმოწყობის სამმართველო“-ს და ა(ა)იპ „მუნიციპალური სერვისების სააგენტო“-ს.

9. დაევალოს ქ. ბათუმის მუნიციპალიტეტის მერიის მუნიციპალური ქონების და სერვისების მართვის სამსახურს და ა(ა)იპ „მუნიციპალური სერვისების სააგენტო“-ს დააწესონ მკაცრი კონტროლი თანხმობით განსაზღვრული პირობების, მათ შორის გადათხრილი ქუჩების აღდგენითი სამუშაოების შესრულებაზე.

10. დაევალოს ქ. ბათუმის მუნიციპალიტეტის მერიის მუნიციპალური ქონების და სერვისების მართვის სამსახურს თანხმობის მფლობელის მიერ თანხმობით განსაზღვრული პირობების შეუსრულებლობის, მათ შორის გადათხრილი ქუჩების აღდგენითი სამუშაოების განუხორციელებლობის შემთხვევაში (ასევე არაჯეროვნად შესრულებისას) კანონმდებლობით გათვალისწინებული ყველა ღონისძიებების განხორციელება. ასეთი ფაქტის დადგომის შემთხვევაში ქ. ბათუმის მუნიციპალიტეტის მერიის მუნიციპალური ქონების და სერვისების მართვის სამსახურმა უნდა აცნობოს ა(ა)იპ „საქალაქო ინფრასტრუქტურისა და კეთილმოწყობის სამმართველო“-ს.

11. დაევალოს ა(ა)იპ „საქალაქო ინფრასტრუქტურისა და კეთილმოწყობის სამმართველო“-ს თანხმობის მფლობელის მიერ თანხმობით განსაზღვრული პირობების შეუსრულებლობის, მათ შორის გადათხრილი ქუჩების აღდგენითი სამუშაოების განუხორციელებლობის შემთხვევაში (ასევე არაჯეროვნად შესრულებისას) დაითვალოს ქ. ბათუმის მუნიციპალიტეტზე მიყენებული ზიანის ოდენობა და აღნიშნულის თაობაზე აცნობოს ქ. ბათუმის მუნიციპალიტეტის მერიის ადმინისტრაციას შესაბამისი სამართლებრივი ღონისძიებების განხორციელებისათვის.

12. წინამდებარე ბრძანება გამოქვეყნდეს ქ. ბათუმის მუნიციპალიტეტის მერიის ინტერნეტგვერდზე.

13. ძალადაკარგულად გამოცხადდეს „ქ. ბათუმის მუნიციპალიტეტის ტერიტორიაზე არსებულ საზოგადოებრივ სივრცეებში გადათხრითი სამუშაოების წარმოებისას ზოგიერთი საკითხის მოწესრიგების შესახებ“ ქ. ბათუმის მუნიციპალიტეტის მერის 2014 წლის 12 დეკემბრის №888 ბრძანება.

14. ბრძანება შეიძლება გასაჩივრდეს ბათუმის საქალაქო სასამართლოში (მის.: ქ. ბათუმი, ზუბალაშვილის ქ. №30) მისი კანონმდებლობით დადგენილი წესით გაცნობიდან ერთი თვის ვადაში.

15. ბრძანება ძალაშია ხელმოწერისთანავე.

ლაშა კომახიძე

ქ. ბათუმის მუნიციპალიტეტის მერი

**შემოვლის ფურცელი**  
**ქ. ბათუმის მუნიციპალიტეტის საზოგადოებრივი ადგილის**  
**სარგებლობის შეზღუდვისათვის**

ემლევა:

მის:

საზოგადოებრივი ადგილით სარგებლობის შეზღუდვის მისამართი:

შეზღუდული ადგილის ფართობი:

კვ.მ.

დაზიანებული ადგილის აღმდგენი:

შესათანმებელია:

1. საპატრულო პოლიციის უფროსი
2. საქართველოს სახელმწიფო დაცვის  
სპეციალური სამსახურის აჭარის ა/რ  
მთავარი სამმართველოს უფროსი
3. ს.ს. „ენერგოპროჯორჯია“-ს დასავლეთ  
საქართველოს რეგიონალური ფილიალის  
უფროსი
4. შ.პ.ს. „სოკარ ჯორჯია გაზი აჭარა“ -ს უფროსი
5. სს „სილქნეტი“-ს დირექტორი
6. შპს „ა-ნეტი“-ს დირექტორი
7. შ.პ.ს. „ბათუმის წყალი“-ს უფროსი
8. შპს „აჭარგანათება“-ს უფროსი
9. შპს „კავკასუს ონლაინ“-ს ბათუმის  
მომხმარებელთა სერვისცენტრის მენეჯერი
10. გზის საფარის აღმდგენი ორგანიზაცია
11. ადმინისტრაციულ ერთეულში  
სერვის ცენტრის მენეჯერი